

識

病

捷

法

識病捷法卷之二

蘇郡長洲慕松繆存濟纂集

癘風門

有三十六名

癘者大也風者六淫中之一也故名癘風即大風其病敗壞面目可憎形體可畏乃惡疾也書曰風從虛入蓋人有精元氣血四者設一不足風寒暑濕燥火得以乘虛而入喜怒憂思悲恐驚之氣鬱滯不行飲食房勞跌撲醉卧風露汗熱解衣入水

浴後迎風或手足破傷引入風毒侵於肌膚流注
經絡傳於臟腑發於四肢內外薰蒸而成泡瘡病
狀多端痛苦難忍欲求醫治須別居靜室斷酒鹽
醬動氣厚味戒色慾除思慮洗心皈命至心懺悔
耐性寬心然後從治法內湯藥次序服去始可獲
愈

○八不治

不知戒

譴責病

風水損

年五十

怯弱

後發症

傳染病

面體黑

○不治症八

烏麻風

莪毛風

李子風

打烏風

赤遊風

剪指風

振斗風

老鼠風

○死症八

皮死麻木不仁者死

內死割切不痛者死

血死潰爛成膿者死

筋死手足脫下者死

骨死鼻樑塌塔者死

目昏耳聾聲啞

○辯驗風症法

虫食肝眉落

虫食肺鼻崩

虫食脾聲啞

虫食心足底穿膝腫

虫食腎耳鳴耳沿生瘡或痺或痛如針刺

舌食身皮痒如虫行痒甚

肺經受症眉毛先落 心經受症

肝經受症面起紫泡 脾經受症先損其目

腎經受症脚底先穿

手指麻三年內有大風至

○禁治法

亂傳手法 縱意刀針 放血艾薰

取涎毒藥 用油浸身

○宜戒

戒憂怒 避風熱 省勞碌 絕色慾

除妄想

忌鹽醬

守藥規

○靜養法

子午卯酉時端坐閉目上下齒對以舌尖虛
空將及齒縫念思字待口中涼方止不要出
聲自己兩耳不聞口中念思字午前午後心
中暗念百拜朝天懺一遍常要譬如死去父
母妻子家業不能管顧

○食淡法

假如每日餽饌當用鹽一錢只用九分過數
日再減一分逐十日減至百日全不食鹽不

覺淡矣經云淡之其為五行本蓋能助火

○宜食

豬肚 腰子 白魚 黑魚 白菜 刀豆

老酒 水梨 圓眼 菜豆 除此十物其餘不必想食

○治法

三十六種風條下不註湯名者悉用後項第一治法藥不愈再服第二治法藥又不除根再服第二次治法藥悉開於後雜方開左

○洗浴藥

地骨皮 荆芥 苦參 細辛 各二兩 水煎湯 無風

慶薰洗過身出血為効○又方桃槐榆柳桑
五枝煎滾湯一大缸浸坐沒頸半日候湯如
油為度

○發汗藥

川烏草烏當歸川芎各二兩麻黃蒼朮各四
兩甘草三兩葱薑各二兩

右藥切碎入在瓶內三日取出曬乾米糊為
丸如彈子大熱酒送下汗出為度不許婦人
鷄犬見之

○瀉藥

先服此藥瀉出毒物惡氣又用三稜針望
肉黑處針出血不可令出太過要損人

連翹防風羌活赤芍藥川歸苻芎麻黃去根
節湯泡甘草黃芩生地貝母挑仁丹皮皂莢
實白花蛇已上各四錢大黃八錢芒硝二錢
右作四貼水酒各二鍾煎空心熱服日進二
服查再煎五六日再服以利為度

○敷藥

大爛遍身塗之用狗脊堅者三兩蛇床子四
兩石膏一两硫黃六錢礬二錢朴硝少許猪
油調搽

○擦藥

乳香沒藥各一錢猪牙皂角各一两附子五錢雄黃五錢川烏五六錢如無附子可用辰砂少許如無亦無妨

○生眉毛藥

鹿角刺焙乾鹿角燒存性各等分為末生薑自然汁調勻擦眉上一日一次眉自生矣

○手指彎曲痛脫落

用草麻去殼黃連剉如豆大每一兩水一升小瓶浸水漸添春夏三日秋冬五日取草麻拍破平旦時面東以浸藥水服一粒漸加至

四五粒微利不妨忌豬肉茹淡神効

○灸法

開後

○近見粗工

用大風子油不知此藥性熱有燥痰之功而傷血至病將愈而先失明矣用此藥者宜少

○灸法斷根

右手腳大拇指筋骨縫間手指節約半寸各灸三壯去毒氣也

○四神丹

醫本有專此四味
久服可愈大風痰

羌活玄參當歸熟地枳實各等分為末水煎

糊為丸如梧桐子大每服百丸白酒下

○浸酒藥

用苦參五觔好酒三斗浸一月每服一合日
三次當不與絕覺痺既安細末服之亦良尤
治癩疹惡瘡除伏熱養肝膽氣入紫萍尤捷
萍多蛭寒月於山池取之擇淨洗泥畧蒸乾
用

大麻風

十來日起如白膚冬瓜一般節節崩斷生流
流

癩麻風

變身癩瘡膿水

鷄脚風

面上浮行眉毛十來日脫下

冷麻風

變身冰冷有麻木不知痛痒○服醉仙散

蛇皮風

身上花的就是蛇皮一樣

爛麻風

身上連片爛

滿蹄風

手脚穿

燥麻風

身上白肉如麥麩皮一般

胡桃風

身上白起紅塊

鴈來風

手撫脚噪

血風

身上手脚紅脹

行葉風

如荷葉連片無髮

白虎風

又名虎頭風

走注骨節痛○服虎骨散

紫癩風

如雲頭片一般身上紅的○用四神散服烏蛇

浸酒方

白癩風

身上有白點變身虛白○用四神散服烏蛇浸

酒方

姜蒜風

手除脚爛○用草麻法

胭脂風

半邊面紅○用浸酒藥

鷄掌風

手上皮粗厚微黃色○用擦藥薰洗藥

鶴膝風

又名鼓
腿風

膝上青紅腫痛○服小續命湯加草薺川線子

獨活木瓜

草鞋風

脚上疼如針刺○用草麻法

裙帶風

腿肚連片生瘡

痛風

變身麻痛○服醉仙散

四柱風

手脚麻木○服醉仙散

四患風

四肢生瘡○用浸酒藥相油丸擦

盪風

身上如刀割○服白花蛇煎

刺風

遍身如針刺○服乳香犀角丸

惡風

頭面肢體癢疼疹癩○服硫黃酒

癩瘍風

面項生白駁狀如白癬○服炊蒂散

烏麻風

黑漆柱一般骨裡黑出來不治

戴毛風

身上疼痛衣服也穿不得不治

李子風

身上起紫潰爛深潭不治

打鳥風

口吐白沫橫倒在地手脚齊起不治

赤遊風

肚腹脹大的不治

剪指風

手指並做一塊不治

振斗風

手振不治

老鼠風

身上日不痛夜疼不治

○第一次治法藥

初一日服追風散瀉惡血用大黃二兩蟬殼一兩八錢中用小者妙白花蛇皂角刺二兩共為末每服五六錢入大風子不油一錢朴硝少許用老酒一碗調化送下不可熱服夜粥不可食待戍時放前藥一碗在卓上盆內以糖煎或蜜煎少許放在盤中不得令患者先

見藥服藥畢用水嗽口以蜜過口切不可睡去令人伴坐良久肚腹大疼最妙瀉四五次用薄粥補之

○初二日服消風散用白芷一兩全蝎一兩去尖人參一兩共為細末每服二錢午間吃粥晚不要吃夜粥次早溫酒調服二錢早飯遲些吃身上微痒為妙

○初三日服磨風散用羌活獨活小川芎天麻細辛葳靈仙防風荆芥麻黃何首烏蔓荊子牛旁子蝦麻草蒼耳草各一兩共為細末不見

火煑酒調服二錢假如初一日服追風散初
二日服消風散初三日服磨風散初四日又
服追風散初五日又服消風散初六日又服
磨風散瘦弱者半月一服譬如初一日服起
初三日止十五日服起十七日止強壯人十
日一服譬如初一服起初三止十一服起十
三止廿一服起廿三止切記日數為准服兩
月後日日服大麻風丸藥

大麻風丸藥

大風子肉二兩白色者如油透黃色者不可用

白花蛇防風烏藥羌活獨活姜蚕炒全蝎何首
烏荆芥細辛甘草天麻苦參人參南星姜汁拌
炒白芷川烏童便浸蒸三次牛膝當歸麥門冬
地黄各四兩沉香四錢米糊為丸如梧桐子大
每服二錢空心午間卧卧白滾湯送下一日準
準服三次神効

○第二次治法藥

醉仙散 須量病人大小虛實與之證候重而
急者須先以再造散下之候補養得完復與
此藥胡麻子牛旁子蔓荆子枸杞子各一两

同炒蒺藜苦參瓜蒌根防風各五錢右為末
每一兩五錢入輕粉二錢拌勻大人每服一
錢淡酒調下晨午夕各一服後五七日先於
牙縫內出臭黃涎水渾身覺痛昏悶如醉後
利下膿血惡臭屎為度○再造散服之當日
必利下惡物或異物或臭或膿或唾口黑色
乃多年者赤色是近年數日又進一服無唾
乃止鬱金五錢如無升麻代皂角刺黑者大
黃泡各一兩白牽牛六錢半生半炒加木通
朴硝右為末每服半兩早晨無灰酒面東送

下忌毒食半月止食白粥漸至眉毛皮膚如
常甚者三二次就愈須依法調理不可妄有
勞動終身忌牛馬驢騾雉鷄野味糟臟犯者
再舉不治○換肌散治大風羊深不瘡眉毛
脫落鼻樑崩壞不餘月取効白花蛇四兩酒
濕去皮骨地龍二兩去泥當歸細辛白芷天
麻蔓荊子靈仙荆芥甘菊苦參紫參沙參木
賊不灰木灸甘草沙宛蒺藜天門冬赤芍藥
定風草何首烏菖蒲胡麻子草烏去皮臍蒼
木川芎木鱉子各一两右為末每服三錢以

酒盡量送下

○第三次治法藥

紫花丸 木香沉香各二錢半人參一两當歸
七錢半天麻五錢皂角五錢射香一錢半乳
香沒藥各一錢雄黃五錢辰砂五分肉苳蔻
一枚定風草一錢半還童子一两右藥為末
作一處包之○白花蛇一條酒應濕去頭尾
皮骨何首烏荆芥穗靈仙蛇床子二錢麻黃
番根節二錢胡麻子一錢右六味什蛇浸一
宿以蛇通取出晒乾仍還原酒浸曝酒盡為

度右藥為末作一處包之○防風羌活甘草
細辛川芎獨活蒼朮枇杷葉白芍藥赤芍藥
白蒺藜金銀花五加皮白芷苦參各五錢胡
麻子白附子麻黃川牛膝草烏川烏泔浸泡
石菖蒲各二錢半右藥為末作一處包之○
以大風子半斤去殼新鮮者佳發油黃色者
不堪用磁器盛之封其口頓滾湯中蓋鍋密
封之勿令透氣文武火煎候黑爛為度杵無
查如油入已上三包藥加糯米飯杵膏粘丸
如梧桐子大晒乾不見火每五十丸鷄鳴午

時臨卧各進一服茶湯送下輕者一料可愈
重者三五料斷根為度止吃時菜白粥餘物
總忌庶免再舉

小續命湯

方見中風門水二鍾煎至一鍾碗底先放麝香
少許去渣入藥在碗內服之至數十貼後加五
積散同煎服

白花蛇煎

白花蛇

頭四兩去皮骨

白蜜

兩三十

生姜汁

兩六

茵苒汁

兩六

白姜蚕

炒

全蝎

炒

苦參

各兩

一

白附子

錢炮三

右為末先下蜜并生姜汁蒲苛汁

煎滾數沸次下諸藥末和勻瓦器中重湯熬成煎以無灰酒調下一匙

乳香犀角丸

乳香

研

犀角

鎊

附子

去皮

自然銅

火煨七次

醋

錢各一

沒藥

研

木香

蔓荊子

炒

人參

草烏

炮去皮尖

丹砂

研

鐵沙

水洗十次

內炒出煙

盡一

為度

香附

分各五

右為末酒糊丸如梧桐子大每服十

五丸米湯送下臨卧服

四神散

雄黃

雌黃

硫黃

白礬

並用透分

右為末每用時先浴通身汗出次以生姜蘸藥擦患處良久以熱湯淋洗當日色淡五日除根

烏蛇浸酒方

烏蛇

六兩酒濕去頭皮骨

防風

去

五茄皮

桂心

白蒺藜

炒去刺各二兩

熟地黃

四兩

牛膝

去苗

天麻

枳殼

炒

羌活

各四兩

右以生絹袋盛藥用無灰

酒二斗放罈中浸密封七日後開每日三度溫

飲一小盞忌猪鷄肉

硫黃酒

用透明絳芒硫黃二錢乳鉢內研細入酒再研
空心飲其清酒將渣又研再入酒飲之日日如
此硫黃能殺惡虫是大便下

五參散

人參

玄參

丹參

沙參

苦參

各一兩

白花蛇

酒濕去頭皮一兩五錢

右為細末每服

二錢食後臨卧温酒調下

故炊蒂散

故炊蒂

覬帶

履底

蛇脫皮

條右以

月蝕夜伺候正蝕時都燒成灰研令細每服不

拘時候以溫酒調服二錢仍以醋調藥如膏以
塗傳駁上即消

虎骨散

虎骨

酥炙黃

烏梅肉

赤茯苓

肉蓯蓉

酒浸切焙

甘草

炙

芍藥

炒

鱉甲

炙醋

白朮

炒

人參

豆豉

慢火炒

紫苑

去土

黃芪

炙蜜

常山

炒

知母

枳殼

炒

犀角

一鎊各

當歸

升麻

柴胡

桔梗

前胡

桂心

木香

桃仁

湯泡去皮

天靈蓋

酥炙各

兩

右為細末每服二錢

溫酒調下空心臨卧各一服

熨法

黑豆

五升

芫花

一升

生姜

半斤

右俱炒旋入醋

拌用青布裹熨痛處更畚炒熨以効為度

黃疸門

附發黃共
有十七名

黃疸之病方書所載有五皆是脾胃濕熱如禽麪
相似氣不得透鬱而生黃也載考諸書五名之外
又有黑疸鼠疸急疸五虛疸陰黃疸發黃黃胖等
名及論其濕熱有微甚或兼寒兼畜血兼內傷所
因不同故治例不可不分臨病之際在乎脉症辯
之

○生脉

道二

微小

○死脉

道三

洪大寸口近掌無脉

○不治症

名七

口渴 口鼻氣冷 形如煙燻黑色 酒疸

脚軟 急黃疸 女勞疸腹如水狀

○死症

名二

喘滿死 口渴兼大便利者死

○治法

凡諸疸先用取水法後用五苓散加茵陳山梔

黃連隨症加減

凡黃疸輕者用小溫中丸重者用大溫中丸熱
多加黃連濕多加茵陳

凡諸疸利其小便愈假如脉浮以汗解之

凡黃疸便閉自汗當下之以十八日為期治之
十日已上為瘥及劇者為難治

凡黃疸倦怠脾胃不和食少用胃苓湯

如小便赤加滑石黃芩黃連山梔茵陳楮苓
澤瀉蒼朮青皮龍膽草

如女勞疸加三稜蓬朮砂仁陳皮神麩

如氣實人心痛身發黃宜吐用川芎山梔桔

梗芽茶薤汁探吐之

凡諸疸秘方用枣礬丸

黃疸

脉浮緊身目面如金色食已則飢遍身俱黃卧如身體帶青帶赤增寒壯熱此因飲食過度積於脾胃風濕相搏熱氣薰蒸發陰部其人必嘔發陽部其人必振寒而發熱○用檗藥瓜蒂散○服茵陳散

黃汗疸

脉沉身體俱腫發熱汗出不渴狀如風水汗出

沾衣黃如栢汁此由脾胃熱汗出或風所閉熱結其汗黃也○服桂枝加黃芪湯

女勞疸

脉浮緊身目俱黃額黑日晡發熱惡寒小腹滿急小便不利大便黑足下熱此因過於勞傷房室之後入水多渴腹脹者難治○服硝石礬石散不愈再服加味四君子湯

穀疸

脉緊數食畢即頭眩心中怫鬱不安食則腹滿遍身發黃此因脾胃有熱大飢過食所致○服

穀疸丸或三因紅丸子

酒疸

脉沉絃緊細身目發黃無熱腹滿欲嘔心煩足熱或心中懊痛足脛滿小便黃面發赤斑此因飢中飲酒大醉當風入水○服當歸白朮湯用如神散鼻中取黃水

黑疸

女勞疸前症加足下熱變作黑疸腹滿如水狀大便必黑時溇非水氣也亦服硝石礬石散○酒疸因下後變黑或嗜酒人發黃外無熱內則

小便不利面目青大便黑皮膚不仁胃中如蒜
蒸狀當心足下皆熱久遠成黑疸脉若浮滑腹
滿欲嘔吐者必先吐之脉若沉滑腹滿大便閉
者必先下之○服白朮湯

鼠疸

鼠盜飲食五穀遺糞在內人不揀擇誤食則生
黃疸諸藥不効用留涎和解毒丹服之

急黃疸

卒然發黃心滿而喘煩躁目赤痛命在頃臯謂
之急黃疸但心戰發熱是也多致不治○服犀

角散

五疸疸

五疸牽延加脚軟心中口淡耳鳴微寒發熱氣急小便白濁當作虛勞治之○服養榮湯或小建中湯

陰黃疸

黃汗染衣涕唾俱黃名曰陰黃疸○服蔓菁子散發黃不欲聞人言小便不利名曰陰黃○服秦朮湯

黃疸

平胃散料一分香附一分加神麴麦芽白朮丸服

胃血發黃

或跌撲打傷或食熟物積瘀血在胃發者○服
桃仁承氣湯

食積發黃

惡食少食噎氣吞酸腹痛胸膈微微飽悶○服
枳香散或化積丸

內傷發黃

內感寒邪勞役形體飲食失節中州變寒之病

發黃非傷寒壞病之比○服小建中湯或理中湯足矣不必用茵陳

傷寒蓄血發黃

傷寒當汗解反利則小腹蓄血其病身黃脉沉小腹硬小便自利病人如狂○服抵當湯

傷寒陽症陰症發黃

當汗不汗當利小便不利小便或受水濕治法詳見傷寒門

黃病

一身盡痛熱小便澀○服五苓散茵陳黃連

抵當湯

水蛭

蚘虫

各十箇

大黃

一兩

桃仁

十二箇

右水二鍾煎至七分食前溫服

白朮湯

白朮

桂心

各二錢

豆豉

枳實

乾葛

杏仁

甘草

各一錢

○水二鍾煎一鍾食前服

當歸白朮湯

當歸

白朮

黃芩

茵陳

甘草

各一錢

半夏

杏仁

炒

枳實

各半錢

茯苓

錢二

○右水二鍾生姜五片煎至一鍾食後服

藜朮湯

藜朮

一兩

旋覆花

赤茯苓

甘草

各五錢

○右

分三服每服水二鍾牛乳一小盞煎至八分服

茵陳湯

茵陳

一兩三錢

大黃

四錢

梔子仁

二錢

○右水二鍾煎

至一鍾不拘時服

桂枝黃芪湯

桂枝

芍藥

各二錢

甘草

一錢

黃芪

三錢

○右水

二鍾姜三片煎至一鍾食遠服

硝石礬石散

硝石

礬石

各煨
等分

大麦粥飲為丸每服二錢

日三服重衣覆取汗隨大小便去大便黑小便黃是其候也

加減五苓散

茵陳

楮苓

赤茯苓

白朮

澤瀉

各二錢

○右水二鍾煎至一鍾不拘時服

犀角散

犀角

黃芩

升麻

梔子

各一兩

右為末每服二錢姜湯送下

治陰黃汗染衣

用蔓青子搗末平旦井水服一匙加至二匙服
之以瘥為度

如神散

苦葫蘆子

廿一箇

苦瓠子

去皮

黃黍米

三百粒

安息香

根

○右為末以少許吹入鼻中滴出黃

水一升如黃水不止即以黍穰燒灰射香少許
和勻吹些少在鼻內即止

吹鼻瓜蒂散

瓜蒂

二錢

母丁香

一錢

黍米

四十九粒

赤小豆

五分

○右

為細末每夜吹入兩鼻孔內便睡明日取下黃

水隨服黃連散

加味四君子湯

治色直

人參

白朮

白茯苓

白芍藥

黃芪

白扁豆

各二錢

甘草

一錢

○右分作二服水

二鍾姜三片紅棗一枚煎八分不拘時服

三因紅丸子

青皮

兩炒

阿魏

錢一

胡椒

錢三

三稜

蓬朮

各一兩用米醋煮為末

陳米粉打糊丸如梧桐子大每服

二百丸白滾湯下

小温中丸

小温中丸

小温中丸

小温中丸

白朮

五兩

苦參

夏加冬減

山查

各二兩

茱萸

夏去冬加

針砂

十兩

炒紅醋滓

蒼朮

川芎

夏減

神麩

七次

再炒

香附

便一

○右為末

醋糊丸

桐子大

食前鹽湯下一方有梔子無朮山查苦參茱萸

大溫中丸

針砂

十兩

陳皮

蒼朮

青皮

厚朴

三稜

蓬朮

黃連

苦參

白朮

各五兩

生甘草

三兩

香附

便一

製法同上

棗礬丸

綠礬

半斤

○右為末

紅棗肉

為丸

如梧桐子

煨通紅

火

大每服五十九或酒或姜湯下

穀疸丸

柴胡

穀芽

枳實

厚朴

梔子

大黃

各一錢

○右為末水發為丸棗豆大白滾湯

送下

養榮湯

當歸身

陳皮

甘草

炙蜜

白芍藥

白朮

麥門冬

各一兩

一

茯苓

茵陳

各五錢

右水一鍾每服四錢姜三片棗一枚煎服

五苓散

見世門

胃苓湯

胃即平胃散

苓即五苓散

散

四君子湯

見脾胃門

換香散

見積聚門

小建中湯

見傷寒門

化積丸

見積聚門

理中湯

見瀉亂門

桃仁承氣湯

見諸血門

解毒丹

開末卷

癰亂門

有十四名

癰亂之作與死為隣其症內有所積外有所感陰不升陽不降乖格而成先心痛先吐先腹痛先瀉心腹齊痛吐瀉並行熱乘胃則吐濕傷脾則瀉風動肝則轉筋此三氣雜合乃為癰亂而有濕乾轉筋中惡癰亂四者之分如吐瀉並行邪氣得出庶幾十存八九若不吐不瀉邪無所出多致危亡至於治療得痊之後不善調理且有一死在於其中若飲食太早脾胃損極不能消化穀入於胃則危

必矣。須待飢甚始可與濃米飲。漸漸加至薄粥。則無咎也。

○生脉道一

大

○死脉道三

沉細遲

○不治症名二

少氣 不語

○死症名五

轉筋入腹 食穀太早 卵縮 舌捲

乾癰亂九死一生

○治法

凡癰亂臨時無藥用方法生蒜頭研細塗兩脚
心

凡癰亂用鹽熨法

後開

凡癰亂熱多欲吐用加減五苓散

凡癰亂寒多不飲水用加減理中湯

凡癰亂六壹散通療脾胃受傷風濕熱三邪

凡癰亂寒月理中湯

凡癰亂暑月黃連香薷飲井水浸冷服

凡癰亂夏月多食菓瓜飲冷乘風不化所致者

六和湯

凡癰亂轉筋男子以手挽其陰女子以手牽其
兩乳近兩傍此千金妙訣

凡癰亂轉筋入腹用淋足法或鹽塌法

凡癰亂欲吐不吐欲瀉不瀉用梓木煎湯吐雖
吐再用吐為妙

凡癰亂切勿與飲食雖米湯飲之立死必吐瀉
過一二時飢甚方吃稀粥

乾癰亂

吐瀉不得出○服厚朴湯

濕癰亂

吐瀉易出○服五苓散或良姜飲

中惡癰亂

外邪干內正氣飲食不化氣道不得先通心腹卒痛吐瀉煩悶精神冒昧不識人○服丹珠丸

轉筋癰亂

熱氣燥爍於筋故筋轉而痛○先用鹽塌法後用附子湯淋足

中寒癰亂

用藿香正氣散

中暑濕癘亂

轉筋煩渴悶亂○服二香散

癘亂寒多肉冷脉絕

服通脉四逆湯

乾嘔不止

服韭白湯

吐瀉不止

服回陽散

吐瀉過多

服四順附子湯

絞腸沙即乾癰亂

其症心腹絞痛冷汗出脹悶欲絕俗名絞腸沙
用吐法以鹽半盞滾湯數碗泡鹽令患人多飲
將鷄翅毛掃咽喉即吐所飲鹽盡立愈

癰亂已死腹有煖氣

用灸法以食鹽安臍中艾火灸二七壯仍灸氣
海穴

癰亂面青黑命欲臨死者

服活命散

癯亂後虛煩不得眠

服寢濟湯

○諸藥製度法開末卷

活命散

防風

羌活

獨活

乾姜

細辛

各一錢

官桂

五分

草豆蔻

肉豆蔻

川芎

各半錢

吳茱萸

乾木瓜

各七分

○右為細末

白滾湯調下二錢

二香散

藿香

白朮

厚朴

陳皮

茯苓

半夏

紫蘇

桔梗

白芷

香薷

黃連

扁豆

錢各五

大腹皮

甘草

錢各二

右分作四服每服姜三片葱白三根水二鍾煎至一鍾不拘時服

回陽散

天南星為末每服三錢生姜五錢紅棗三枚水二煎八分溫服未醒再服

四順附子湯

附子

用生

白姜

人參

甘草

各等分

右水二鍾煎一鍾空心服如服痛加桂小便不

利加茯苓仍用炒鹽裂臍中

加減理中湯

人參

乾姜

白朮

各二錢

甘草

一錢

○右水

二鍾煎至一鍾不拘時服

薤白湯

薤白

一切

生薑

半切兩細

陳皮

去三錢白

○右水二鍾煎

至一鍾分作二次溫服

回生散

陳皮

去白

藿香

去五錢上各

右水二鍾煎一鍾服

寢濟湯

麥門冬

人參

各一錢半

淡竹葉

八分

附子

炮二分半

半夏

甘草

各五分

○右水二鍾

姜三片

粳米百粒

煎至

一鍾不拘時服

通脈四逆湯

吳茱萸

三錢

附子

二錢

當歸

甘草

各一錢

白芍藥

木通

細辛

各五分

右水二鍾酒半鍾生姜三片紅棗一枚煎至一

鍾不拘時服

鹽熨法

炒鹽二碗布包安胸肚腹上以熨斗盛火熨令

氣透則醒

鹽塌法

用鹽三合以水五升煎取三升浸青布塌在轉筋上浸手足在胸脇轉筋洗之若轉筋入腹者倒擔病人頭在下腹中平乃止極者引陰陰縮者必死煎一大缸鹽湯暖浸之

丹砂丸

丹砂

五分

附子

一錢

研末

雄黃

三豆大

塊

○右用巴豆七

粒去殼油後入丹雄附煉蜜為丸如麻子大每服三丸不拘時白滾湯下如未利再服利不止

冷粥食之即定

厚朴湯

厚朴

枳殼

高良姜

檳榔

大黃

各一兩

朴硝

三錢

○右分作六服每服水二鍾

煎至八分溫服

附子湯

附子

一枚

川椒

生姜

各二錢

葱

一切一兩

○右水

一斗煎數沸入盆中淋洗轉筋處

六和湯

白朮

半夏

砂仁

杏仁

人參

甘草

各五分

赤茯苓

藿香

白扁豆

姜汁拌炒

木瓜

各一錢

香薷

厚朴

各二錢

○右水二鍾生

姜三片大棗一枚煎至一鍾溫服

藿香正氣散

大腹皮

白芷

茯苓

紫蘇

藿香

各三兩

厚朴

白朮

陳皮

苦梗

半夏麩

各二兩

甘草

炙二兩半

○右為末每服

五錢水一盞姜三片棗一枚煎六分溫服

四逆湯

甘草

炙二兩

乾姜

半兩

附子

五錢

○右咬咀每服五

錢水一鍾煎七分不拘時溫服

黃連香薷飲

黃連

耗分

香薷

錢三

厚朴

半錢

○右水二鍾煎至

七分溫服

理中湯

人參

甘草

白朮

乾姜

各等分

右水二鍾煎至一鍾食前溫服

洗足法

用大蓼一握水煎燻洗立効

六一散

即益元散
開痢疾門

五苓散

見世
門

加減五苓散

開末
卷

良姜飲

開末
卷

內傷門

有十九名

東垣論勞役飲食傷之為病亦有發寒發熱表裏之症恐治之失故作內外傷辯而內傷之名著矣內傷之症皆由喜怒勞役饑飽致傷脾胃而然也內傷飲食乃傷其氣外傷風寒乃傷其形傷內為不足傷外為有餘經云飲食勞倦則傷脾形寒飲冷則傷肺書曰飲食自倍腸胃乃傷亦有老幼并修善常齋或壯年而稟氣不足者脾胃已虛久矣脾胃既虛寒邪易入飲食不能消化停積於中舊

食未消新食又入新舊相雜諸病而作或有近似外感之症隨以外感而治其死可必故立內外傷辯如黑白之分明矣

○內傷總脈

右手脈來空大無力左手寸口微瀦是內傷
右寸脈比左寸大兩倍傷輕 右關數大勞
右寸脈比左寸大三倍傷重 右關沉滑食
胃脈弱飲食不節寒暑失宜 胃脈隱代邪
外感六淫右手寸脈平常左寸微瀦是內傷

○死症名二

勞役病大熱與中熱外感相似誤與白虎湯服之死

血虛肌熱煩躁誤與白虎湯服之死

○辯驗內傷外感法

內傷出言懶怯寒熱間作無汗怕冷小風

外感出言壯厲寒熱齊作有汗怕一切風

內傷食減口不知味腹中不和手心熱

外感食不減口能知味腹中和手背熱

內傷近暖處就不怕寒鼻涕清涕

外感近烈火只是怕寒鼻乾不利

內傷口鼻中氣短促喘午後病少加

外感鼻中氣不能出并從口出粗厲

內傷四肢倦怠嗜卧半眠半起

外感初病便着床枕非扶不起

內傷頭疼自汗身熱間或有之

外感頭疼自汗身熱常常有之

內傷久病必不渴傷重始則微渴

治法

大抵有內傷重外傷輕者必顯內症多則是

內傷重外感輕當補養為發表為次

大抵有外感重內傷輕者必顯外症多則是外感重內傷輕當發散先補養為次

凡病內傷者十有六七但有挾痰挾外邪挾熱鬱於內而發者皆以補元氣為主

如挾痰用補中益氣湯加半夏姜汁竹瀝氣虛熱甚少加附子以行參芪之功

老人幼子齋素人虛弱人久病人內傷

凡遇天氣大熱在路途勞形得病者或田野勞形得病者或少食勞役過而得病者其症肌體壯熱躁盛悶亂大惡熱發渴飲水身亦疼痛初

受病時與中熱外感有餘之症相似誤與白虎湯服之旬日必死須驗其口鼻中氣短促上喘午後病少加○服補中益氣湯隨症加減

內傷肌熱躁熱困渴引飲目赤面紅晝夜不息脉洪大而虛重按全無經云脉虛血虛又云血虛發熱症像白虎湯症惟脾脉不長常實為異耳如誤與白虎湯服之必死此病得之於飢困勞役○服當歸補血湯

內傷飲食勞役者多但有挾痰挾外邪有熱鬱在內者皆以補中益氣湯為主挾外感看何邪加

何藥疎邪挾痰加半夏姜汁竹瀝熱甚加附子
以行參芪之功

內傷發斑因胃氣虛甚是火遊行於外亦有痰者
火則瀟而降之痰熱微汗以散之切不可下
內傷煩躁

因血少不能潤理宜養陰煩躁不眠者○服六
乙散加牛黃

如近似傷寒煩躁不絕聲汗後復熱脉細數五
七日不睡○服補中益氣湯倍加人參竹葉
甚者加麥門五味知母

如近似傷寒至五七日後煩躁吃水者○服補中益氣湯加附子

如近似傷寒三戰後勞乏煩躁昏倦○服四君子湯加當歸黃芪知母麥門冬五味甚者脉細數無序三更後吃水至天明此乃元氣虛加竹瀝大劑服之

內傷舌黑燥

舌黑燥大便滑泄食在大腸煩躁夜不安○宜服防風當歸飲子下之

內傷燥渴

內傷病退後燥渴不解者有餘熱在肺○服人參黃芩炒甘草少加姜汁冷服虛者用人參湯七情內傷

因勞心思慮損傷精神頭眩目昏心虛氣短驚悸煩熱○服人參當歸麥門冬白芍酸棗仁茯神各一錢五味十五粒山梔炒生地甘草陳皮川芎

強食內傷

或因人強與飲食或自縱口福其症心腹滿悶惡食噎氣○服枳實丸加麥芽神麴山柎甚加
棋香散

憂思內傷

因憂思之時食物結在胃中腹皮底徹痛心下痞滿不思飲食○服木香化滯湯

寒冷內傷

天氣寒冷又食冷物胃口痛上肢兩脇咽不通○服草豆蔻丸

熱內傷

因食極熱之物痞悶兀兀欲吐煩亂不安○服二黃丸

飲食勞役內傷

其病腹脇滿悶短氣口無味遇夏雖熱尤寒飢
常不飽不喜冷物○服升麻順氣湯

大內傷

因脾胃俱虛其病怠惰嗜卧四肢不收體重節
痛口乾舌乾飲食無味大便不調小便頻數食
不化洒淅惡寒慘慘不樂面色惡○服升陽益
胃湯

久病內傷

因病久不能食大便或結或溇○服白朮和胃
丸

寒藥內傷

或久病人服寒藥過多胃脘微痛○服益胃湯
中焦內傷

因中焦火衰受寒飲食不美心腹疼大便滑泄
腹中雷鳴癯亂吐瀉○服沉香溫胃丸

虛冷內傷

因虛積冷心下堅痞兩脇脹滿心腹痛噫宿腐
氣○服如意丸

瘀血內傷

吐瘀血亦名內傷○服承氣湯加蘇木桃仁

承氣湯

大黃

芒硝

杏仁

泡去皮尖

枳實

桔梗

黃芩

炒

右加鉄秀水白水各半煎諸藥後入酒

一小盞大黃芒硝再煎數沸服下惡物為度

葛花醒酒湯

葛花

白豆蔻

砂仁

炒各五錢

乾生姜

青皮

白朮

炒各三錢

澤瀉

炒

神麩

炒各二錢

白茯苓

人參

楮苓

橘紅

各半一錢

木香

五分

右分作四服每服

水二鍾煎至九分熱服得微汗酒病自去矣

當歸補血湯

黃芪

當歸

各等分

右水煎服

木香化滯丸

木香

紅花

各三錢

當歸尾

陳皮

各二錢

甘草

草豆蔻

五

柴胡

四

半夏

一

枳實

二錢

右作四

服每服用水二鍾生姜三片煎至九分食遠服

升麻順氣湯

升麻

柴胡

各八分

黃芪

一錢

半夏

六錢

陳皮

歸身

各一錢

甘草

五分

草豆蔻

二分

人參

八分

神麩

黃栢

各五分

右水

二鍾生姜三片煎至九分服

益胃湯

黃芪

陳皮

升麻

各五分

柴胡

人參

白朮

益智仁

黃芩

各三分

當歸

五分

甘草

半夏

各二分

蒼朮

錢一

右水一

中半姜一

片煎至八

分

食前熱服

忌食生冷硬物酒麵

升陽益胃湯

羌活

獨活

防風

各五錢

秋味

柴胡

白朮

茯苓

不用者

澤瀉

各三錢

黃芪

二兩

人參

半夏

甘草

各一兩

白芍

五錢

黃連

五錢

陳皮

四錢右分作八服用水二鍾半生姜三片煎至一

鍾溫服服藥後如小便罷病加劇減去茯苓澤

瀉若喜食初服藥一兩日不可飽食恐胃再傷
藥力尚少胃氣不得轉運升發也須薄味之食
美食以助藥力慎不可淡食以損力而助邪氣
降沉但可小勞不可大勞碌

如意丸

枳殼

炒

檳榔

橘紅

三稜

半夏

乾姜

黃連

蓬朮

各二兩

巴豆

二粒

右將

巴豆同衆藥同好醋煮乾揀去二十一粒巴豆
餘藥焙乾為末薄糊丸如菘豆大每服十九加
至十五丸姜湯送下食後服孕婦不可服

草豆蔻丸

神麴錢五

草豆蔻

白朮

枳實

各一兩

陳皮

乾生姜

青皮

各五錢

黃芩

冬月少用

半夏

三錢

麥芽

鹽

少許

右為末湯浸蒸餅為丸如菉豆大每服五

十丸白湯送下量所多少加減服之

二黃丸

黃芩

二兩

黃連

一兩

升麻

二錢

枳實

五錢

柴胡

甘草

各二錢

右為末水浸蒸餅丸如菉豆大每服

七十九丸白滾湯送下

白朮和胃丸

厚朴

半夏

白朮

陳皮

檳榔

枳實

木香

人參

甘草

右為末

水浸蒸餅丸如桐子大每服三十九丸溫白湯下

沉香溫胃丸

沉香

甘草

吳茱萸

人參

當歸

良姜

木香

茯苓

白朮

白芍

各五錢

附子

巴戟

乾姜

茴香

各一兩

官桂

丁香

右為末用好醋打

面糊為丸如梧桐子大每服七十九丸米飲空心

送下一日服二次忌食生冷

枳實導滯丸

茯苓

白朮

黃芩

黃連

錢各二

枳實

神麴

錢各五

澤瀉

錢二

大黃

兩一

右為末如已上法

丸每服七十九食後白滾湯送下

枳柳丸

治腸食心腹膨脹

檳榔

木香

各二兩半

陳皮

兩一

牽牛

枳實

錢各五

右為末醋糊丸如桐子大米湯送三十九

備急丸

治心腹暴百病

大黃

巴豆

乾姜

錢各五

右為末蜜煉同

藥杵千下丸如小豆大每用三丸老幼虛人一

二丸白滾湯送下以利為度若中惡氣心腹脹滿卒痛如錐刀刺痛氣急口噤尸卒死者以緩水化藥三丸送下若酒服之或不下捧起頭嚥下須臾未瘥再與三丸服之待腹中鳴轉即吐下便愈如口噤亦須析齒嚥下忌食蘆筍猪肉冷水油膩數日

衣蒂散

方見脾胃門若兩尺脉絕無可用此吐法輕用恐損元氣令人胃氣不服若止是胸中塞滿悶亂不通以指探吐如不吐以長鷄毛探吐如食

不去方用此藥吐之

防風當歸飲子

柴胡

人參

茯苓

甘草

各一兩

大黃

當歸

防風

芍藥

各五錢

滑石

三兩

右作四

服每服水二鍾生姜三片煎至九分去滓通口不拘時服如痰嗽加半夏

枳朮丸

見脾胃門

換香散

見積聚門

人參湯

開卷末

六一散

見痢疾門

關格門

有二名

此門與嘔吐小便二門互相查考
治病

關格二症多致於危最難治也凡治諸病下手便論關格標本緩急關者熱邪在下焦其症手足冷小便不通無出之由曰關格者寒邪在胸膈其症外熱液汗不通湯水不入嘔吐無入之理曰格關格即係標本緩急書曰急則治其標緩則治其本假如人患十分重病先要問其胸膈寬與不寬小

便利與不利如云不寬或不利先治關格為急為標後治重病為緩為本又要以關格二症分為標本以小便不通為急為標先通利小便後治胸膈不寬為緩為本陰氣盛陽氣不相營曰格陽氣盛陰氣不相營曰關陰陽俱盛曰關格關格者不得盡命而死惟求速治為貴耳

○關病脉 氣口脉来比人迎大四倍

○格病脉 人迎脉来比氣口大四倍

○治法 關病即是小便不通見小便門

格病即是胸滿嘔吐見嘔吐門

嘔吐門

附惡心有二十八名

此病與關格小便二門互相查考
治病

嘔吐噦皆屬胃家所主究其三者之源皆脾胃虛弱而致分其腑之氣血多少為異耳嘔者胃病其經多氣多血故有聲有物也吐者太陽病多血少氣故有物無聲也噦者少陽病多氣少血故有聲無物也諸嘔吐不出乃是火與痰熱外或六淫之擾內或七情之變胃若受病飲食不化氣血不和

則賊風虛邪犯其陽飲食飢飽傷其陰而成嘔吐
其症危之至速又謂之閑格標本緩急故列於前
○總脉

嘔脉緩吉

浮洪為氣

浮大為風

浮數為熱

沉遲為寒

浮匿為積

○難治脉

朝食暮吐脉來緊澀

○不治症名

胃虛嘔不食兼恐怖

○死症名二

女子嘔吐甚者死 諸大吐渴飲水者死

○治法

凡嘔吐多服生姜自然汁為主

凡嘔吐雖有胃症不可用瀉藥

凡嘔吐用蘆管入鼻孔內吹皂莢末少許令嚏
出即止

諸大吐渴飲水者死

急以童便徐徐飲之

胃寒嘔吐

胃中停寒其症喜熱不食胃口上下綿綿而痛

○服理中湯加丁香

胃熱嘔吐

胃受邪熱其症喜冷心煩不食○服竹茹湯

寒熱嘔吐

胃口有熱胃中有寒嘔吐不止○服炮附子丸

胃虛嘔吐

用藿香丁香人參陳皮生姜水煎服

胃風嘔吐

欲吐不吐飲食不得進用防風天麻生姜汁水

煎服

平日脾胃虛嘔吐

用二陳湯加藿香砂仁人參黑瘦陰虛火動肺熱四等人去人參加白朮

久病嘔吐胃虛不納穀

用人參黃芪白朮香附各二錢水二鍾煎八分臨服加生姜自然汁半盞溫服

乾嘔者

服豆蔻湯

乾嘔而利者

服黃芩半夏

乾嘔欲死者

用半夏一兩二錢半湯泡七次生姜一兩每服
五錢水一煎六通口服

食已即吐

用大黃甘草湯

朝食暮吐

早晨食至晚嘔吐四肢冷不食○服大養胃湯

宿食嘔吐

中脘有宿食留飲其症吞酸心疼口吐清水嘔
宿腐氣○服枳朮丸加半夏陳皮

痰飲嘔吐

中脘伏痰小便清白右脇微疼惡心頭運不快
或發寒熱○服旋覆花湯

食冷嘔吐

食冷物疑滯胃間嘔吐不止○服丁香丸

嘔吐閉利

大便閉或利時覺腹痛食不下○三乙承氣湯
傷暑嘔吐

服香薷飲

夏月嘔吐不止

服五苓散加姜汁半酒盞如脾胃虛加白朮
七情嘔吐

喜怒憂思悲恐驚之氣鬱積在內其症寒熱眩
運胸滿不食而吐○服大藿香散

欲嘔不嘔欲噦不噦無柰者

服竹茹湯加陳皮半夏姜汁

孕婦嘔吐名曰惡阻方見
女科

癯亂嘔吐方見
癯

脚氣嘔吐方見
脚

嘔而心下痞者

用半夏瀉心湯

噦

胆病有聲無物吐出名噦○服竹茹湯加陳皮
惡心

欲吐不吐心中兀兀如畏舟注舡之狀名曰惡
心○服白朮湯加姜汁數匙如胃中有痰加半
夏陳皮黃芩黃連並用姜汁伴炒

三乙承氣湯

大黃

枳實

厚朴

芒硝

甘草

各二錢

右水二錢

煎至一鍾服

鍾服

大養胃湯

厚朴

生姜

各一兩

肥棗

兩

白朮

山藥

人參

川芎

陳皮

當歸

藿香

五味子

枇杷葉

去毛

黃芪

甘草

各五錢

右分

作九服每服用水二鍾煎至一鍾空心服

竹茹湯

竹茹

枯一兩

葛根

三兩

半夏

甘草

各一兩

右分

作五服每服用水二鍾生姜三片煎至一鍾服

旋覆花湯

旋覆花

錢一半夏

橘紅

乾姜

各半錢

枳榔

人參

白朮

甘草

錢各一

右用水二鍾生

姜三片煎至一鍾不拘時服

草豆蔻湯

草豆蔻

藿香

枳殼

陳皮

白朮

山芋

錢各五

桂心

丁香

錢各一

右分作七服每

服用水二鍾棗二枚粟米少許煎八分食後服

白朮湯

白朮

半三兩

半夏

兩一

乾姜

錢五

丁香

錢二

右為末

姜汁丸如梧桐子大每服三十九丸白滾湯送下

炮附子丸

附子

青皮

各一兩

右為末米飲丸如梧桐子

大大黃末為衣每十丸加至廿丸白滾湯送下

丁香丸

丁香

木香

胡椒

藿香

各三錢

甘草

乾姜

肉桂

各二錢

右為末米糊丸如菉豆大

每二十丸乾嚼不用湯水

理中湯

見瀧

枳朮丸

見脾

五苓散

見世

二陳湯

見痰

香薷飲

見暑

大藿香散

開末

半夏瀉心湯

開末

小便門

有三十一名
附八條

此門與關格嘔吐二門互相查究

治病

小便不通

小便五淋

小便出血

小便出糞

小便不禁

小便遺尿

小便頻數

小便尿多

小便不利

小便腫痛

小便不舉

小便囊脫

陰戶疝虫

小便不通名曰閉乃熱也淋者滴也古謂之癰名

稱不同小便澀痛放出如粟之狀名曰淋病小腹
痛引臍中緣熱入膀胱不能滲泄故也古云心腎
氣鬱則小腸膀胱三焦不利而成五淋之患熱在
脬中煎熬日積輕則凝如脂膏重則結如沙石有
云冷淋者誤也殊不知淋瀝疼痛忍之身必憎寒
戰慄有是乎冷若遂作為冷此不明耳小便諸症
皆可易治惟小便不通死之甚速又謂標本緩急
與閉格嘔吐二門合為一体者也

○小便不通生死脉

與小便淋瀝病脉相同

○小便死症名一

男女忍尿不出名曰胞轉

○淋症生脉道二

大實

○淋症死脉道三

虛小游

○淋病死症名一

下焦氣血乾者死

○小便不通治法後開

○小便五淋治法後開

小便不通

小便急滿尿不得出不痛者是小便不通痛者非也乃小便淋病也

小便不通兼口渴

是熱在上焦氣分○服清肺飲

小便不通口不渴

是熱在下焦血分○服滋腎丸

男女胞轉

因飲食時忍小便或忙時忍小便或房事忍小便皆致胞轉臍下急滿小便不通此症臨危面青黑多致危○用頭髮燒灰一合醋調服加葵末又方用皂莢打碎濃煎湯坐脚桶

中浸洗小便

小便不通

用獨囊蒜一枚梔子二十一箇鹽花少許共搗貼臍中良久即通未通塗在陰囊上立通○又方用薤苕子一合搗極細末調燒皂莢末二錢服之立通外用食鹽安在臍中切蒜瓣加在鹽上銅杓盛熱湯鬱之○又方用皂莢煎濃湯浸洗小便以通為度湯冷易之

小便久不通

用桃枝方

婦人小便不通

婦人生產勝破終日不得小便但漏濕○服
補脬飲

陰囊腫脹大小便不通

用白朮木通陳皮各半兩為細末每服二錢
姜湯送下五更空心服

小便孔通脹滿欲死者

用葵子二升水四升煮一升頓服入猪脂如
鷄子大一塊更佳

小便五淋

小便滴瀝澁痛出如脂膏砂石者
是淋病不痛者非也乃小便不通

熱淋

小腹脹滿小便赤數澀痛○服四汁飲

○膏淋

小便肥如膏○服磁石丸

血淋

遇熱則發甚則溺血其候鼻頭色黃小便難
○服當歸湯

石淋

莖中痛尿不得卒出○用導水法又方小便
時沙石下

勞淋

尿似膏出遇勞碌則發痛引氣衝○服地髓湯

氣淋

小便澁常餘瀝○服瞿麥湯

五淋欲死

服地髓湯

上盛下虛成淋

服清心蓮子飲

諸病後體虛成淋

服皮膚子湯

小便出血

又名曰小腸瀉

見諸血門

小便出糞

名曰交腸

因氣不循常道清濁混淆糞在小便而出○
服五苓散調氣散各一錢阿膠五分黃連木
香末各二分前湯送下

小便不禁

是常常尿自出而不覺也

有虛熱虛寒之分虛寒用秘元丹虛熱用六
味地黃丸加杜仲石脂五味減澤瀉

小便遺尿

睡中尿出不自知
竟小兒多有此症

用鷄腸散加桂心

小便頻數

是不時撒尿又不多也故老人
多頻數乃膀胱血少火偏旺也

用牡蠣山茱萸五味子之類

小便頻數

小便常欲撒尿如稠米泔色○服桑螵蛸散

小便頻數

小便常撒尿如有疝氣痛連小腹呼叫不已

腎經積冷所致○服益智仁湯

瀉見世門

小便尿多

是下元虛

服八味丸即五苓散減澤瀉一半加阿膠一兩破故紙肉蓯蓉各五錢煉蜜為丸如梧桐子大每服二錢空心米湯下

小便尿多

有喜盛致小便多日夜無度○服分清飲或

七氣湯

小便不利撒尿不盡不爽快也

小便不利

津液偏滲腸胃大便瀉小便澁○服五苓散

加木通

小便不利

熱搏下焦隨濕不行○治宜滲利

小便不利

脾胃氣滯不能通調水道下輸膀胱○治宜

順氣

小便不利

渴多飲水○服清肺飲

小便不利

莖中疼小腹急痛○服蒲黃滑石等分為末

酒服三次

小便痛

肝經氣
滯熱

用甘草稍緩其氣若病淋作痛者似難一槩
論必須清肺氣而清濁自分如氣虛用四君
子湯血虛四物湯各加黃柏知母滑石石葦
琥珀

小便腫痛

用苦參大黃荆芥皂莢煎湯薰洗

小便不舉

由命門火衰清氣虛
冷亦有火鬱而致者

服加味地黃丸

小便囊脫

腎囊
腫爛

用紫蘇末香油調敷

陰丸冷多汗

兩丸冷陰汗如水小便後有餘滴尻醫并小便冷惡寒喜熱膝下亦冷○服固真湯

陰戶疝虫

女人陰戶生疝有虫○用麝香杏仁研末以小袋貯藥納入陰戶中

陰囊痒

用甘草煎湯冷浸洗後以海螵蛸末敷

小兒小便難熱腫纏如螺肉狀

用伏龍肝即灶底泥韭菜汁調敷

○小便不通治法

如因肺燥不能生腎水小便不通者用車前子
茯苓

如因肺燥膀胱有熱小便不通者用黃栢知
母

如因脾濕不運而精氣不升故肺不能生腎水
小便不通者宜健脾燥胃用蒼朮白朮

如氣虛則滲泄之令不行小便不通者用人參
白朮升麻木通山梔先服後吐就參芪藥中

探吐黑瘦人去參

如血氣則氣不升小便不通者用四物湯先服後吐就四物湯中探吐

如痰多則氣閉不運小便不通者用二陳湯先服後吐就二陳湯加木通香附探吐

如實熱則熱結下焦小便不通者用八正散大便動小便自通

如氣不利則氣滯而不行小便不通者用木香青皮

如熱鬱小便不通者用赤茯苓黃芩澤瀉車前

子瞿麥滑石木通

如氣血兩虛兼熱小便不通者用八物湯加黃
栢知母

○小便淋病治法

如腎虛成淋當補腎精利小便不可獨用利藥
如死血成淋用四物湯加桃仁丹皮

如老人氣虛成淋用人參白朮木通山梔牛膝
黑瘦陰虛火動肺熱等人去人參倍加白朮
如痰熱滯中焦成淋用二陳湯加木香服之以

鷄羽毛喉中探吐

如諸淋疼痛或有膿血用琥珀沒藥海金沙蒲黃各等分為末甘草煎湯送下三錢不愈再服葵花根水煎服

瞿麥湯

瞿麥穗

三分

黃芩

六錢

木通

一錢

竹葉

一把

茅根

冬瓜子

五錢

滑石

二兩

葵子

二合

右除滑石外分作

三服每服用水二鍾煎至一鍾入滑石末六錢攪勻食前溫服

當歸湯

當歸

淡竹葉

灯心

竹園荑

紅棗

麥門冬

烏梅

木龍

又名野蒲

甘草

各五錢

右用

水十鍾煎至七鍾患此疾多渴隨意飲之

地髓湯

右用牛膝濃煎飲之極効

地膚子湯

地膚子

楮苓

各半錢

海澡

甘草稍

瞿麥

通草

黃芩

知母

枳實

升麻

葵子

各八分

右用水二鍾半生姜三片煎至一鍾

不拘時服

四汁飲

蒲萄汁

自然

生藕

自然

白蜜

生地黄

自然

右和勻每服一盞瓦器內慢火熬沸不拘時服

補脾飲

黃絲絹

生者一尺剪碎

牡丹皮

白者

白芨

各一

右用

水二鍾煮絹爛如飴空心頓服半日不可開言

如說一聲話就不効

清心蓮子飲

石蓮肉

白茯苓

人參

黃芪

各二

甘草

車前子

地骨皮

門冬

各一錢

黃芩

半二錢

右分

作二服每服用水二鍾煎至九分食前服如發

熟加柴胡一錢

清肺飲

茯苓

楮苓

澤瀉

各二錢

車前子

琥珀

木通

瞿麥

篇蓄

各一錢

通草

灯心

各五分右用水二鍾煎至一鍾食遠熱服

磁石丸

磁石

大煨醋淬二十一次

澤瀉

肉蓯蓉

滑石

各一兩右為末煉蜜為丸如梧桐子大每服三十

丸不拘時服溫酒送下

鷄腸散

鷄腸

燒存性

牡蠣

白茯苓

桑螵蛸

各三

辣桂

龍骨

各錢半

右分作二服每服用水二

鍾生姜三片棗一枚煎至九分食前服

桃枝方

治小便數日不通欲死者用之

桃枝

柳枝

木通

旱蓮子

漢椒

白礬

各一兩

葱白

握一

灯心

一束

右用水三斗煎至

斗半用瓦瓶一箇熱盛一半藥汁薰外腎週回

無風處薰藥冷換熱通則止薰

塗臍方

大蒜

一枝

梔子

仁一箇

鹽花

許少

右搗攤紙上貼臍

良久即通未通塗陰囊上立通

又方

用皂莢半斤打碎煎湯一斗盛脚桶內薰浸通

導水法

治石淋

用蝼蛄七箇以鹽一兩同於新瓦上鋪蓋焙乾
研為末每服一錢溫酒調下

塗臍法

大田螺十五箇水養待田螺口中吐出泥澄去
上面清水以底下濃泥入臍粉五分調塗臍上
尿立通

八正散

甘草

大黃

瞿麥

木通

滑石

荷竹

車前子

山梔

各等分

加灯心水煎服

分清飲

益智

草薢

石菖蒲

烏藥

各等分

右水

二鍾煎至一鍾服

調氣散

白豆蔻

丁香

檀香

木香

各兩

藿香

甘草

各四兩

宿砂

二兩

右為末每服二錢

白滾湯下

滋腎丸

黃栢

知母

各一兩

肉桂

五分

右為末水丸如梧

桐子大每服一百丸白湯下

固真湯

升麻

羌活

芫胡

各一錢

甘草

炙

澤瀉

龍胆草

黃栢

知母

各半錢

作二服水煎溫

服

四物湯

見諸門血見

四君子湯

見脾門胃

二陳湯

見痰門飲

八物湯

即四君子湯四物湯

桑螵蛸散

見門卷末

五苓散

見泄門瀉

七氣湯

見門卷末

加味地黃丸

見注夏門

六味地黄丸

山茱萸

山藥

錢各四

牡丹皮

澤瀉

茯苓

白各三錢

熟地黃

錢八

右為末煉蜜丸如梧桐子

大每服五十丸白湯送下

秘元丹

砂仁

靈砂

兩各一

龍骨

兩三

訶子

簡一

右為末

糯米粥丸如麻子大酒下二丸或三丸

大便門

附脫肛有一十五名

水穀入胃腐化輕清津液之氣上輸於脾重濁糟粕之物下歸於大腸故大腸名為傳送之官或因體虛或因攝養乖戾三焦氣澁不通運棹不行糟粕壅滯腸間遂成閉結之患又曰腎主五液津液潤則大便如常須視虛實分別燥澁與閉結如一緊用通利之劑反致病之不瘳也

○總脉

脾脉沉數連尺部為熱結

兩尺部虛沉細遲為陰結

右尺部脉浮為風結 多面黃可候

○治法

凡大便閉結西北二方人以開結為主東南二
方人以潤燥為主

凡大便閉結久病之人腹中有實熱者用潤腸
丸慎勿峻利

凡太陰不得大便如食腹滿響是也用木香枳
榔丸

凡胃中停滯寒冷之物大便不通心腹作痛用

備急丸

凡實熱大便閉者用大承氣湯

凡大便不通服承氣湯不利用四物湯加枳殼

枳榔桃仁紅花即開

凡大便燥者潤澁者滑之熱者涼之

凡大便閉者通之結者開之寔者下之

凡大便不通依各病條下藥不愈隨用通幽湯

小提盆敷藥二法

凡大便閉不能食小便清用厚朴湯主之

七情氣閉

喜怒憂思悲恐驚之氣鬱不行者○服三和散
風閉

外因肺受風邪傳入大腸名曰風結○服疎風
散○又大風病或中風病大腸結而不通者○
服麻仁丸

氣閉

一切氣滯後重迫疼煩悶脹滿燥結○服六磨
湯

血閉

一切失血大腸枯結者○服四物湯加麻仁

燥閉

火多之人津液少大腸結者○服生地升麻湯

寒閉

又曰
閉結

年高腸冷或痙瘳冷氣結滯不通○服皂角丸

熱閉

又曰
閉結

積熱或傷熱或肺熱移大腸結者○服承氣湯

產後閉

產後失血大便閉者不可服峻利之劑恐傷氣

血反重○服地黄丸加麻仁

大實大滿心胸高起氣塞不通

服承氣湯

身熱煩躁大便不通

服大黃飲子

飲食停滯腹脹痛悶嘔惡吞酸大便閉結

服脾積丸

大便閉結極甚昏不知人

用大田螺二箇益少許連殼搗置臍一寸三分
布緊縛之即通未通再用烏桕木根三寸磨井
水服多研爛敷臍亦可

年老虛弱人閉結

服地黃丸加麻仁

大便出尿

用小便出糞方見小便門

脫肛

蘊熱肛門閉結肺經虛寒肛門脫出亦有婦人
產育用力老幼久痢氣熱氣虛血虛皆致此疾
必須溫肺補腸胃久則自然收矣○內服吊腸
丸外用五倍子為末每用三錢煎湯浸洗臨卧
用瓜藤煎湯浸洗送上即收○又方用木賊草
燒灰為末摻入肛門按進即愈

○治法

氣虛四君子湯

血虛四物湯

虛熱加條芩

虛寒加乾姜炒

產婦久痢同上

吊腸丸

白朮

甘草

黃連

白芍藥

桔梗

玄參

條芩

各等分

右為末醋丸如梧桐子大

每服五十丸空心白滾湯送下

大黃飲子

大黃

杏仁

枳殼

梔子仁

各一錢半

川升麻

生地黃

人參

黃芩

各七分

甘草

分五 右用水二鍾生姜五片豆豉二十一粒烏梅
一枚煎至一鍾不拘時服

潤腸丸

杏仁

麻仁

陳皮

各一兩

防風

阿膠

各五錢 右為末煉蜜和丸如梧桐子大每服五七
十丸食前紫蘇湯送下壯者荆芥湯送下

脾積丸

蓬朮

三兩

三稜

二兩

青皮

一兩

南朮香

半兩

良姜

五錢

皂角

三挺

大

右為末用巴豆半兩研如

泥漸入藥末研勻麩糊丸如麻子大每服五丸

加至十九用橘皮煎湯送下食遠服
疎風散

枳殼

錢五

防風

羌活

獨活

檳榔

白芷

威靈仙

蒺藜

麻仁

杏仁

甘草

各一兩

右為末每服二錢半生姜五片蜜一

匙水一鍾煎服

脾約麻仁丸

麻仁

另研

大黃

斤一

厚朴

枳實

芍藥

各八兩

杏仁

半五兩

右為末煉蜜和丸如桐子

大每服二十九臨睡用白湯送下大便利即止

通幽湯

甘草

紅花

各二分

當歸身

桃仁泥

升麻

生地

各一錢

熟地

二錢

右用水二鍾煎至一鍾磨枳

柳五分食前熱服

六磨湯

沉香

木香

枳榔

烏藥

枳殼

大黃

各等分

右各件熱湯磨服

皂角丸

皂角

去子

枳殼

各等分

右為細末煉蜜和丸如梧

桐子大每服七十九不拘時米飲下

牙結藥

蟾酥

輕粉

麝香

各等分

巴豆

少許

右研

極細用孩兒乳汁和丸如黍米大每服二三丸不拘時姜湯下

小提盆散

竈突墨

錢一

滄鹽

錢三

右研勻每用一錢竹筒次入

肛門立透

敷藥

用丹生大螺一二枚以鹽一匕連殼生搥碎置病者臍下一寸三分用寬帛緊縛之即大便如

未効烏柏木根三寸研井水服亦効就多研爛
敷臍下亦可

掩臍法

右用連根葱一二根帶土生姜一塊淡豆豉二
十一粒鹽一匙同搗碎作餅子焙熟掩臍中以
絹帛扎定良久氣透自通

木香檳榔丸

見續
聚門

備急丸

見續
聚門

生地升麻湯

卷開
末

四物湯

見續
聚門

大承氣湯

見續
聚門

承氣湯

見續
聚門

四君子湯

見續
聚門

厚朴湯

見續
聚門

三和散

明見氣

地黄丸

此即六味地黃丸見小便門